

ბათუმის შოთა რუსთაველის სახელმწიფო უნივერსიტეტი
აკადემიური საბჭო

მისამართი: 6010, ქ. ბათუმი,
ნინოშვილის ქ., №35

ტელ/ფაქსი: (+995 222) 27 17 87
ელ. ფოსტა: info@bsu.edu.ge

დ ა დ ბ ე ნ ი ლ ე ბ ა №94

2015 წლის 29 ივლისი,
ქ. ბათუმი

**აკადემიური და მასწავლებელთა პერსონალის აკადემიური დატვირთვისა და
ჯგუფებში სტუდენტთა ზღვრული ოდენობის
განსაზღვრის წესის დამტკიცების შესახებ**

„უმაღლესი განათლების შესახებ“ საქართველოს კანონის 21-ე მუხლის პირველი პუნქტის, 33-ე მუხლის მე-4 პუნქტის საფუძველზე, აკადემიურმა საბჭომ

დაადგინა:

1. ბათუმის შოთა რუსთაველის სახელმწიფო უნივერსიტეტის აკადემიური და მასწავლებელთა აკადემიური დატვირთვა და ჯგუფებში სტუდენტთა ზღვრული ოდენობა განისაზღვროს **დანართი 1-ის** შესაბამისად;
2. საჭიროების შემთხვევაში, აკადემიურ დატვირთვებში ცვილილებები განხორციელდეს შესაბამის საფეხურზე სასწავლო სემესტრის დაწყებიდან არაუმეტეს სამი კვირის განმავლობაში, გარდა გამონაკლისი შემთხვევებისა;
3. „აკადემიური და მასწავლებელთა პერსონალის აკადემიური დატვირთვისა და ჯგუფებში სტუდენტთა ზღვრული ოდენობის განსაზღვრის წესი“ დასამტკიცებლად წარედგინოს წარმომადგენლობით საბჭოს;
4. ძალადაკარგულად იქნეს ცნობილი „აკადემიური და მასწავლებელთა პერსონალის აკადემიური დატვირთვისა და ჯგუფებში სტუდენტთა ზღვრული ოდენობის განსაზღვრის წესის დამტკიცების შესახებ“ ბათუმის შოთა რუსთაველის სახელმწიფო უნივერსიტეტის აკადემიური საბჭოს 2014 წლის 5 სექტემბრის №108 დადგენილება;
5. დადგენილება ძალაში შევიდეს ხელმოწერისთანავე.

აკადემიური საბჭოს სხდომის
თავმჯდომარე, პროფესორი:

გურამ ჩაგანავა

**აკადემიური და მასწავლებელთა პერსონალის აკადემიური დატვირთვისა და
ჯგუფებში სტუდენტთა ზღვრული ოდენობის
განსაზღვრის წესი**

1. ბათუმის შოთა რუსთაველის სახელმწიფო უნივერსიტეტში (შემდეგში „უნივერსიტეტი“) სასწავლო-სამეცნიერო პროცესი წარიმართება კონკურსის საფუძველზე არჩეული აკადემიური პერსონალის (პროფესორი, ასოცირებული პროფესორი, ასისტენტ-პროფესორი, ასისტენტი) და მასწავლებელთა პერსონალის (სპეციალისტების) მონაწილეობით.

2. აკადემიური დატვირთვის შესაბამისად განისაზღვრება უნივერსიტეტის აკადემიური პერსონალის „ა“, „ბ“ და „გ“ კატეგორიები:

2.1. „ა“ კატეგორიის აკადემიური პერსონალის სავალდებულო დატვირთვა (სააუდიტორიო და არასააუდიტორიო) ერთ სამტატო განაკვეთზე, სასწავლო წლის განმავლობაში შეადგენს 1500 საათს.

2.2. „ბ“ კატეგორიის აკადემიური პერსონალის სავალდებულო დატვირთვა (სააუდიტორიო და არასააუდიტორიო) ერთ სამტატო განაკვეთზე, სასწავლო წლის განმავლობაში შეადგენს 750 საათს.

2.3. „გ“ კატეგორიის აკადემიური პერსონალის სავალდებულო დატვირთვა (სააუდიტორიო და არასააუდიტორიო) ერთ სამტატო განაკვეთზე, სასწავლო წლის განმავლობაში შეადგენს 1100 საათს.

3. აკადემიური პერსონალის სამტატო ერთეულის სავალდებულო სააუდიტორიო დატვირთვა შეადგენს:

3.1 „ა“ და „გ“ კატეგორიის

- პროფესორისათვის - 250 საათს;
- ასოცირებული პროფესორისათვის - 300 საათს;
- ასისტენტ პროფესორისათვის - 320 საათს;
- ასისტენტისათვის - 350 საათს.

3.2 „ბ“ კატეგორიის

- პროფესორისათვის - 125 საათს;
- ასოცირებული პროფესორისათვის - 150 საათს;
- ასისტენტ პროფესორისათვის - 160 საათს;
- ასისტენტისათვის - 175 საათს.

4. იმ აკადემიური პერსონალის სავალდებულო სააუდიტორიო დატვირთვა, რომელიც ატარებს მეცადინეობებს საბაკალავრო პროგრამებზე მცირერიცხოვან ჯგუფებში (სტუდენტთა რაოდენობა 10-ზე ნაკლები, გარდა პრიორიტეტული პროგრამებისა), განისაზღვროს შემდეგი ოდენობით:

4.1 „ა“ და „გ“ კატეგორიის

- პროფესორისათვის - 250-დან 300 საათამდე;
- ასოცირებული პროფესორისათვის - 300-დან 350 საათამდე;
- ასისტენტ პროფესორისათვის - 320-დან 370 საათამდე;
- ასისტენტისთვის - 350-დან 400 საათამდე.

4.2 „ბ“ კატეგორიის

- პროფესორისათვის - 125-დან 150 საათამდე;
- ასოცირებული პროფესორისათვის - 150-დან 175 საათამდე;
- ასისტენტ პროფესორისათვის - 160-დან 185 საათამდე;
- ასისტენტისთვის - 175-დან 200 საათამდე.

5. აკადემიური პერსონალის სამტატო ერთეულის სავალდებულო დატვირთვის შემადგენელი კომპონენტი შეიძლება იყოს:

5.1. სალექციო, პრაქტიკული/ჯგუფში მუშაობა, სემინარული და ლაბორატორიული სამუშაო: ა) სწავლების პირველ საფეხურზე; ბ) სწავლების მეორე საფეხურზე, სადაც სტუდენტთა რაოდენობა არის 10 ან მეტი) - ერთი სააუდიტორიო შეხვედრა ერთი საათი;

5.2. საველე-სასწავლო/საწარმოო/პედაგოგიური პრაქტიკა – საათების რაოდენობა განისაზღვრება საგანმანათლებლო პროგრამების/სასწავლო გეგმების შესაბამისად;

5.3. დარგობრივი დეპარტამენტის ხელმძღვანელობა – 50 საათი;

6. სამტატო ერთეულის არასააუდიტორიო დატვირთვის შემადგენელი კომპონენტი შეიძლება იყოს:

6.1. მზადება ლექციისათვის - 1 ლექცია 3 საათი;

6.2. მზადება პრაქტიკული/ლაბორატორიული მეცადინეობისათვის/ჯგუფში მუშაობისათვის/ კურაციისათვის - 1 მეცადინეობა 2 საათი;

6.3. კონსულტაცია სტუდენტთათვის - „ა“ და „გ“ კატეგორიისათვის კვირაში არანაკლებ 4 საათი, ხოლო „ბ“ კატეგორიისათვის – არანაკლებ 2 სთ.

6.4. უწყისის/ჟურნალის წარმოება - 1 ჯგუფზე 20 საათი;

6.5. სტუდენტის შეფასება (მიმდინარე, შუალედური, საბოლოო) – 1 სტუდენტზე 2 საათი;

6.6. 100 საგამოცდო ტესტის შედგენა ან საგამოცდო საკითხებისა და კითხვების მომზადება - 100 საათი;

6.7. საგანმანათლებლო პროგრამის ხელმძღვანელობა - 1 პროგრამა 50 საათი;

6.8. კურატორობა – ერთ ჯგუფზე სასწავლო წლის განმავლობაში - 60 საათი (აქედან საათობრივი ანაზღაურების წესით ანაზღაურდეს 10 საათი);

6.9. საბაკალავრო ნაშრომის ხელმძღვანელობა – 1 ნაშრომი 50 საათი (აქედან საათობრივი ანაზღაურების წესით ანაზღაურდეს 10 საათი);

6.10. სტუდენტთა სამეცნიერო ნაშრომის ხელმძღვანელობა - 1 თემა 20 საათი;

6.11. სამაგისტრო ნაშრომის ხელმძღვანელობა სწავლების მეორე წლიდან განისაზღვროს - 1 ნაშრომი 50 საათით (აქედან საათობრივი ანაზღაურების წესით ანაზღაურდეს 20 საათი);

6.12. დოქტორანტის ხელმძღვანელობა - ერთი სასწავლო წლისათვის 50 საათი (აქედან საათობრივი ანაზღაურების წესით სწავლების პირველი წლისათვის ანაზღაურდეს 20 საათი, მეორე და მესამე წლისათვის - 40-40 საათი);

- 6.13. სახელმძღვანელოს თარგმნა - 1 გვერდი 3 საათი;
- 6.14. მონოგრაფიის ან სახელმძღვანელოს მომზადება - 1 გვერდი 5 საათი;
- 6.15. სამეცნიერო სემინარზე მოხსენების გაკეთება - 1 მოხსენება 20 საათი;
- 6.16. სამეცნიერო სტატიის მოზადება - 1 სტატია 100 საათი;
- 6.17. საკონფერენციო თემის მომზადება - 30 საათი;
- 6.18. საპატენტო განაცხადის მომზადება/წარდგენა - 30 საათი;
- 6.19. საგრანტო განაცხადის მომზადება/წარდგენა - 50 საათი;
- 6.20. დარგობრივ დეპარტამენტში ხარისხის უზრუნველყოფის სამსახურის კოორდინატორობა - 50;
- 6.21. საჯარო ან ღია ლექციის მომზადება - 20 საათი;
- 6.22. წარმომადგენლობითი საბჭოს წევრობა - 50 საათი;
- 6.23. აკადემიური საბჭოს წევრობა - 50 საათი;
- 6.24. სილაბუსის შედგენა/სრულყოფა - 50 საათი;
- 6.25. საგანმანათლებლო პროგრამის მომზადება - 1 პროგრამა 100 საათი;
- 6.26. სამაგისტრო ნაშრომის რეცენზირება - 1 ნაშრომი 10 საათი;
- 6.27. სადოქტორო ნაშრომის რეცენზირება - 1 ნაშრომი 20 საათი;
- 6.28. საგამოცდო პროცესში მონაწილეობა - 1 გამოცდა 2 საათი;
- 6.29. და სხვა, წინამდებარე წესით გაუთვალისწინებელი საუნივერსიტეტო აქტივობა -- არაუმეტეს 100 საათისა.

7. პროფესიულ და უმაღლესი განათლების მესამე საფეხურზე აკადემიური დატვირთვა (სასწავლო კომპონენტი) ანაზღაურდეს მხოლოდ საათობრივი ანაზღაურების წესით;

8. ემერიტუსები, სურვილის შემთხვევაში, დაიტვირთონ მხოლოდ უმაღლესი განათლების მეორე და მესამე საფეხურზე. ემერიტუსის მიერ შესრულებული სამუშაო (სალექციო, პრაქტიკული/ჯგუფში მუშაობა, სემინარული და ლაბორატორიული სამუშაო) ანაზღაურდეს საათობრივი ანაზღაურების წესით (გარდა ბსუ-ს წესდების 62-ე მუხლით გათვალისწინებული გამონაკლისებისა);

9. მოწვეულ პროფესორთა და მეცნიერ-თანამშრომელთა დატვირთვა და ანაზღაურების წესი განისაზღვრება ინდივიდუალური ხელშეკრულებით;

10. როგორც დოქტორანტის, ისე მაგისტრანტის ხელმძღვანელი/თანახელმძღვანელი შეიძლება იყოს პროფესორი, ასოცირებულმა პროფესორი, სამეცნიერო თანამდებობის მქონე დოქტორის აკადემიური ხარისხის ან მასთან გათანაბრებული ხარისხის მქონე პირი. მაგისტრანტის ხელმძღვანელი/თანახელმძღვანელი აგრეთვე შეიძლება იყოს დოქტორის აკადემიური ხარისხის ან მასთან გათანაბრებული ხარისხის მქონე ასისტენტ პროფესორი.

11. დასაშვებია ერთი პიროვნების მიერ ერთდროულად არაუმეტეს 3 დოქტორანტისა და 2 მაგისტრანტის ან ერთდროულად 5 მაგისტრანტის ხელმძღვანელობა სასწავლო წლის განმავლობაში (დოქტორანტი ან მაგისტრანტი, რომელსაც შეჩერებული აქვს სტუდენტის სტატუსი, არ ჩაითვლება ამ პუნქტით განსაზღვრულ რაოდენობაში);

12. აკადემიურ პირს არასააუდიტორიო დატვირთვის შემადგენელი კომპონენტები შესრულებულად ჩაეთვლება მხოლოდ შესაბამისი დარგობრივი დეპარტამენტის სხდომის დადგენილების საფუძველზე.

13. უმაღლესი განათლების პირველ საფეხურზე აკადემიურ ჯგუფებში სტუდენტთა რაოდენობა განისაზღვროს:

13.1. ლექცია – არაუმეტეს 60 სტუდენტისა;

13.2. საბუნებისმეტყველო, ექსპერიმენტულ, კომპიუტერულ და ტექნიკურ მეცნიერებებში ლაბორატორიული, უცხოურ ენებში პრაქტიკული მეცადინეობა – არა უმეტეს 20 სტუდენტისა;

13.3. ჯანდაცვის სპეციალობების კლინიკურ დისციპლინებში პრაქტიკული მეცადინეობა (კურაცია) – არაუმეტეს 15 სტუდენტის;

13.4. სხვა დანარჩენი სპეციალობების პრაქტიკული და სემინარული მეცადინეობა, ჯგუფში მუშაობა – არაუმეტეს 30 სტუდენტის;

13.5. სხვადასხვა სახის პრაქტიკების დროს ჯგუფში სტუდენტთა რაოდენობა უნდა შეესაბამებოდეს შესაბამის სასწავლო ჯგუფში პრაქტიკული მეცადინეობისათვის დადგენილ რაოდენობას. გარდა პედაგოგიური პრაქტიკისა, სადაც ჯგუფში სტუდენტების რაოდენობა არ უნდა აღემატებოდეს 15-ს.

13.6. დამატებითი სპეციალობაზე, არჩევით სასწავლო კურსში/მოდულში ან მასწავლებლის მომზადების საგანმანათლებლო პროგრამაზე ჯგუფში სტუდენტთა რაოდენობა უნდა შეესაბამებოდეს ძირითად სასწავლო ჯგუფში სტუდენტთა რაოდენობას ამ წესის 13.1, 13.2, 13.4 ქვეპუნქტების მიხედვით.

14. წინამდებარე წესში ცვლილების შეტანა შესაძლებელია აკადემიური და წარმომადგენლობითი საბჭოს თანხმობის საფუძველზე.